

寅 12

6245

經
疏
輯
要



本草經疏輯要卷六目錄

人獸畜部

髮

頭垢

牙齒

人乳

人胞

初生臍帶

爪甲

人尿

糞清
人中黃

人尿

人中白

天靈蓋

死人身上蛆

龍骨
白龍骨齒

虎骨
睛胃

麝香

牛黃

象牙
膽皮

犀角

羚羊角

鹿茸



鹿角

鹿角膠 角霜

麋茸 角

熊膽

獺肝

膃肭臍 即海狗腎

兔頭骨

腦肝 肉尿

狷皮

牡鼠糞

白馬陰莖

白馬通 白馬溺

黃牛肉 膽髓乳

牛角觶

黃明膠

霞天膏

阿膠

殺羊肉 肝內腎外腎血脛骨

猪蹄 膽膚肚脂膏脰血尾血懸蹄甲

狗肉

牡狗陰莖頭 骨餘骨灰尿 狗寶 中粟

牛羊酥



本草經疏輯要卷六

海虞後學吳世鎧懷祖纂

人獸畜部

髮味苦溫小寒無毒主五癰關格不通利小便水道療小兒癰大
人瘡合雞子黃煎之消爲水療小兒驚熱百病止血鼻衄燒灰吹
之立已

髮者血之餘也入心肝腎三經入心除熱入腎益陰入肝益血
日華止血悶血暈金瘡傷風血刺及煎膏長肉消瘀悉取益血
除熱之功 同敗壞陳蓮蓬並燒灰等分每服三錢童便溫酒



調服治諸般出血 同猪膏和煎髮消藥成治女勞黃疸

諸膏藥內能消毒止痛長肉生肌 髮灰走血分而帶散其主

諸血證者是血見灰則止乃治標之義若仗其補益未必能也

經熬煨成末後氣味不佳胃弱者勿服入外科藥殊有神效

頭垢味鹹苦溫有毒主淋閉不通療噎疾

頭垢梳上者名百齒霜性滑潤而下走入陽明經 同白芷貝

母半夏爲丸酒下治婦人吹乳 同山慈菰橘葉鼠糞人爪蒲

公英柴胡山豆根白芷連翹貝母夏枯草忍冬藤治乳巖乳癰

神效

人牙齒味甘鹹熱有毒主除勞治瘧蠱毒氣入藥燒用

牙齒乃腎之標骨之餘也男子三八腎氣平而真牙生五六腎氣衰而齒槩以腎主骨也其主除勞治瘧蓋勞乃勞極瘧亦因勞而發皆腎家虧損精氣乏絕所致今世稀用惟以之治痘瘡倒靨乳癰未潰爲必須之藥 獨用煨存性研末名人牙散治痘瘡方出爲風寒外襲或變黑或青紫此倒靨也宜溫肌發散

瘧倒靨

使熱氣復行而斑自出若出不快而黑陷者獐猪血調下一錢因誤服涼藥血滯倒陷者入麝香溫酒服之其效如神 單用燒研酥調敷乳癰未潰 同穿山甲燒炙過各一分爲末分作

乳癰未潰

陰疽不發

二服用當歸麻黃煎湯下治陰疽不發頭凹沉黯不疼無熱內服補散不起外以薑汁和麴傅之

時珍曰近世用人牙治瘡

瘡陷伏稱為神品然一概用之貽害不淺夫瘡瘡毒自腎出方

長之際外為風寒穢氣所冒腠理閉塞血滯不行毒不能出或

變黑倒靨宜用此以酒麝達之竄入腎經發出毒氣使熱令復

行而瘡自紅活蓋劫劑也若伏毒在心昏迷不省人事及氣虛

色白癢塌不能作膿熱沸紫泡之證止宜解毒補虛苟誤用此

則鬱悶聲啞反成不治之證可不慎哉

人乳味甘鹹平無毒主補五臟令人肥白悅澤



熱赤腫

人乳乃陰血所化生於脾胃攝於衝任未受孕則爲月水既受孕則畱而養胎已產則變赤爲白上爲乳汁此造化元微之妙人身轉運之神也入心腎脾肺延年益壽之聖藥 同黃連蒸熱洗眼熱赤腫 其性涼潤血虛有熱燥渴枯涸者宜之若臍氣虛寒滑泄不禁及胃弱不思食脾虛不磨者並不宜服

人胞味甘鹹溫無毒主血氣羸瘦婦人勞損面黧皮黑腹內諸病夫人有生之初攬父精母血以成胚胎外有衣一層裹之卽胞也丹書曰天地之先陰陽之祖乾坤之橐籥鉛汞之匡廓胚胎將兆九九數足乘而載之隨兒後出故謂之河車其色有紅紫

綠以紫者良此得精血之氣而結能從其類以補精氣虧損吳
球治男女一切虛損勞極爲養血益氣補精之藥 同人參黃

耆鹿茸鹿角膠當歸補骨脂五味子巴戟天治眞陽虛極畏寒

足冷 此補陰陽兩虛之藥以其形質亦得男女坎離之氣而

成如陰陽兩虛者服之有反本還元之功誠爲要藥然而陰虛

精涸水不制火發爲咳嗽吐血骨蒸盜汗等證屬陽盛陰虛法

當壯水之主以制陽光不宜服此並補之劑以耗將竭之陰也

胃火齒痛法亦忌之

初生臍帶主燒末飲服止瘡解胎毒傳臍瘡

臍者命蒂也當心腎之中爲真元歸宿之處胎在母腹臍帶連於胞喘息呼吸滋養之妙從此而通胎出母腹臍帶剪斷則一點真元之氣從此而歸入命門丹田故臍爲命蒂臍帶亦真氣會聚之所也本經以之治瘡應是虛寒之甚藉其氣以補不足也

單用燒研入辰砂少許乳汁調服預解胎毒可免痘瘡

爪甲味甘鹹無毒主鼻衄細刮嚙之立愈催生下胞衣利小便治尿血破傷中風去目翳

爪者筋之餘肝膽之外候肝之餘氣所生而性帶散故點目能去翳障兼散乳癰乳巖有效取本婦手足爪甲燒灰酒服治

胞衣不下

胞衣不下 以木賊草擦取爪甲末同丹砂等分研勻露冰搜

丸芥子大用乳汁和亦得每以一粒點入目內治一切目疾并

飛絲入目

治飛絲入目

人屎味苦寒無毒主時行大熱狂走解諸毒擣末沸湯沃服之

人之五穀入胃津液上升爲氣血糟粕下降而成糞其本原化

過但存極苦大寒之氣味入足陽明經苦寒除熱又解諸毒蘇

恭云新者封疔腫一日根爛蓋疔腫乃風火之毒氣結成得此

大寒極苦之氣則風火散而根自爛今世又以治痘瘡血熱紫

黑倒靨者殊效 同猫糞猪糞犬糞等分臘月初旬收埋高燥

黃土窖內至春取出砂礮盛之鹽泥固濟炭火煨令煙盡爲度
取出爲末入麝香少許研勻磁器密封名四靈無價散治痘瘡
黑陷腹脹危篤此爲劫劑一歲一字二歲半錢三歲一錢蜜水
調下須臾瘡起 傷寒溫疫非陽明實熱者不宜用痘瘡非火
熱鬱滯因而紫黑乾陷倒靨者不宜用以其苦寒之極耳

糞清主天行熱狂熱疾中毒輩毒惡瘡癰病垂死者皆瘥 人中

黃主熱毒溼毒大解五臟實熱飯和作丸清痰消食積降陰火

糞清俗名金汁汪機曰用椶皮綿紙上鋪黃土澆糞汁淋土上
漚取清汁入新甕內盤覆定埋土中一年取出清若泉水全無

穢氣年久者彌佳比日華竹筒滲法更妙 人中黃震亨曰

竹筒入甘草末于內竹木塞兩頭冬月浸糞缸中立春取出懸

風處陰乾破竹取草末晒乾用

人尿味鹹寒無毒主寒熱頭痛溫氣久嗽上氣失聲及癥瘕滿腹

療血悶熱狂撲損瘀血在內連絕止吐血鼻衄難產胎衣不下蛇

犬咬滋陰降火甚速童男者良

人尿乃津液之濁者滲入膀胱而出鹹寒下降為除勞熱骨蒸

咳嗽吐血及婦人產後血暈悶絕之聖藥法當熱飲冷則惟存

鹹味寒性矣 同枇杷葉天冬麥冬蘇子桑皮沙參五味子生



產後血暈

中暈昏倒

地款冬花百部治陰虛咳嗽聲啞喉間血腥氣 同蘇木降香

續斷牛膝丹皮蒲黃治內傷吐血或瘀血停畱作痛 同澤蘭

荊芥白芷續斷延胡牛膝蘇木黑豆治產後血暈虛者加入參

凡產後溫飲一盃可免血暈至三日後止之 中暈昏倒以

熱小便灌下即活 功能滋陰降火除骨蒸解勞乏治諸吐衄

咯血唾血其效甚速褚澄遺書云人喉有竅則咳血殺人喉不

停物毫髮介帶必欬血既滲入愈滲則愈咳愈欬則愈滲惟飲

溲溺則百不一死若服寒涼則百不一生言其功力之優勝也

其爲肺腎有火者必須之物第其性稍寒惟不利於脾胃虛寒

或溏泄及陽虛無火食不消者咸在所忌

人中白味鹹平無毒主鼻衄湯火灼瘡治傳屍勞熱肺痿心膈熱

羸瘦渴疾

人中白卽溺白塗乃人溺之積氣結成能瀉肝腎三焦膀胱有

餘之火從小便中出蓋膀胱乃此物之故道也時珍曰降相火

消瘀血取鹹能潤下走血故也今人以治口舌諸瘡有效亦除

熱降火之驗也同冰片硼砂青黛黃礬牙硝白礬治口舌生

瘡及小兒走馬牙疳口臭單用煨研入麝香少許溫酒調服

鼻衄不止

治鼻衄不止立效



南京中医药大学图书馆版权所有

天靈蓋味鹹平無毒主傳尸尸疰鬼氣伏連久瘴勞瘧寒熱無時

天靈蓋乃死人腦蓋骨也不用他骨而用此者以人生時腦爲諸陽之會而此骨則一身衆骨之主也辟惡散邪是其能事

同鬼臼乾漆象膽獺肝丹砂胡黃連入滋陰藥內治傳尸勞瘵

同牛黃象牙末蛙竹屑血竭乳香沒藥黃蠟明礬眞珠作丸

治楊梅結毒 其治勞瘵以其有尸鬼勞蟲爲害取以逐散邪

也今人虛損勞怯皆係色慾過度損傷眞陰實無鬼氣淹伏何

得用此幽暗不祥之物治之陳承曰神農本經人部惟髮髻一

物其餘皆出後世近見醫家用天靈蓋治傳尸病未有一效殘

忍傷神殊非仁人之用心苟有可易仁者宜盡心焉

死人身上蛆主傳屍勞瘵

死人身上蛆王肯堂醫鏡云瘵證傳屍無治法蓋因初起病瘵

之人先爲尸蟲食其五臟而死既死之後五臟皆冷尸蟲不能

居皆從鼻中而出以鼻乃肺之竅瘵乃肺之病故從其竅而出

也其色多赤乃血所化無翼而能飛或有不見而自能着人者

以骨肉尋骨肉以同氣覓同氣雖在千里外其人當病必無能

脫者可畏之甚也此物在蟲類則名尸蟲在鬼道則名尸鬼出

入無嘗變化莫測不獨病瘵之人有之而人人皆有者但不犯

